

V I R O

Nobilissimo, Amplissimo atque Consultissimo,

D O M I N O

DAVIDI FADEMRECHTIO.

Praeconsuli Mariaeburgensi meritissimo,

itemque Praesidi Gravissimo,

Filii unici,

IOANNIS IACOBI,

Artium liberalium in Gymnasio Thorunensi Studiosi

solertissimi,


pramaturum obitum,

qui d. XXVII Augusti A. clcIcccXII.

accidebat,

*acerbe lugenti,**tum consolandi officium praestare**tum & Auditori suo carissimo,**monumentum ponere,*

L. M. 2

*volebat**Petrus laenichius, Gymn. R. & P.P.*

T H O R V N I I,

Impressit JOHANNES NICOLAI, NOBIL. SENAT. ET GYM.

Typographus.

C 108



Deone infestum esse consiliis nostris aeternum Numen ac quodammodo reluctari proposito videtur, ut, dum pro incrementis Gymnasii omnes evigilamus curas, fatali casu sedulos agendi conatus perturbet, ac dura mortalitatis lege iniecta, seriem rerum perumpat quasi & infringat? Ea quidem omnium, quae in orbe nascuntur, conditio est, ut nihil firmum ac stabile reperiat: Nihilominus tamen crebriores velocesque eorundem commutationes suspensos mortalium animos tenent omnino & attentos. Vterque enim ordo brevi tempore diminutus, docentium pariter ac percipientium hic artes liberales. Huic autem illata clades tanto gravius affligit omnes, quanto insperatior accidit: nec attriti diuturnitate morborum & aetate, sed corpore validi animoque vigentes decedant. Periclitatur hoc pacto salus Patriae, qua dulcius in vita reperiri nihil potest, & iure deplorantur illi, cum consolari posteritatem deberent, remque publicam aliquando ratione & consilio adiuvare. Nemo inter nos versatur, quin ferat graviter eiusmodi casus & doleat nobiscum, quando, quos praeparari ita vitae futurae videt, praeter mortalitatis ordinem & vota sublato repentina morte animadvertit. Secus fieret in hoc artium domicilio si mortis ratio posita esset in nostro arbitrio, eiusque legem perinde ac naevos aliquando & errandi vitia in Inventute aboleremus. At vero idem nobis usu venit, quod interdum in aestu maris navigantibus, qui, impedita remigandi contra tempestatem facultate, vela navi animoque vires remittunt, & necessitati cedunt. Equidem, quos ablegant parentes filios, diligenti complectimur cura, ut nobis ducibus insipientiae studio progrediantur feliciter, sed fingere non

non possumus ex ingenio valetudinem integram, etsi regere
eandem aliquo modo licet, sed in conservandae eius parte
divinae voluntati ac consilio libenter obtemperamus. V-
tinam, Nobilissime Fademrecht, ex eorum numero esses
parentum, qui filios, nostrae commissos fidei, cum gaudio
fructuque repetunt, merito in aliquam laetitiae veniremus
partem, Tibique ex animo gratulareremur. Ast iniqua iam
Tua pariter & nostra conditio, quando Tu filium, eun-
demque unicum & carissimum, nos disciplinae nostrae a-
lumnus, ad virtutis & sapientiae laudem egregie eniten-
tem, lugemus. Non sine tristi recordatione cogitare pos-
sum de precibus honestissimis, quibus ante menses septem no-
strae curae filium commendares, atque identidem huma-
nissima literarum compellatione meam operam, fidem &
erudiendi dexteritatem ipsi velles conciliatam. Satisfe-
cit uterque Tuis, ut spero, votis, quando laboravimus eni-
xe, ne aut ipse in eo ornando iuvandoque remissus, nec fi-
lius ulla in parte languidus, vacuus, aut otiosus inveni-
retur. Nemo non admirabatur egregias naturae dotes &
singularem ingenii aciem, ad quam si alia doctrinae sub-
sidia adiungere potuisset, is sine dubio evasisset, quem pa-
tria extitutum iudicabat. Nec minus uti ingenio floren-
tissimus, ita sanctissimus proposito, cautus adversus ille-
cebras lascivientis luventiae, ac nulla contaminatus labe &
vitio vixit. Quo in officio eum non metus, sed amor con-
tinuit virtutis, & quam prudenti parentis institutione
domi esset educatus, patefaciebat. Vnde turpe sibi duce-
bat esse, nisi illum vivendi ordinem alibi quoque serva-
ret constanter, & laudabili agendi ratione paternae laudis
viam ingrederetur. Hi solent esse elegantissimi fructus disci-
plinæ domesticæ, quibus alioqui destituuntur parentes, qui
depravato morum exemplo iuventuti nocent, aut indul-
genti-

gentiores nimis in educanda ea sunt aut plane remis-
 Stetit hoc olim Graecorum pariter virtus ac Romanorum
 gloria certissimo munimento institutae feliciter iuventutis
 & rectis vitae exemplis ubique confirmatae. Non ali-
 ter civis noster vivam laudis imaginem quotidie in anti-
 quo Teutonicorum equitum castro, Mariaeburgi, ubi na-
 scendi primordia cepit, est intuitus, & instrumenta do-
 ctrinae liberalis hausit. Est Mariaeburgum non sterilis
 ingeniorum mater, & admirabili divinoque plane bene-
 ficio ei datum, ut quamplurimos non vulgaris ingenii iu-
 venes ad nos mittat accuratioribus scientiarum praesidiis
 corroborandos. Qua in parte gloriae cum maioribus potest contendere
 civitatibus, ubi literarum honor fere obliteratur, & eruditi coetus orna-
 menta iuxta & praemia periclitari quodammodo videntur. Quare ne-
 modubitat, quin florere semper optimis ingenis & abundare queat, quo-
 rum opera patriae res & aliorum, ubi necesse est, locorum fortuna susti-
 neatur. Quas industriae partes ut sibi aliquando deposcant, & dignita-
 tem patriae literarumque decus augeant omnes, qui iam hic studiorum
 causa versantur, ex animo precor. Hos inter sibi aequales Beatus con-
 cessit nemini, pietate in Deum, obsequio, industria & inexhausta prope-
 modum discendi aviditate. Quos nobilissimos animi impetus cum re-
 tardare nihil posset, retinuit vis morbi, quae omnia elusit remedia, & mor-
 tis celeritas laudis retardavit cursum. Haec laborandi meta, ad quam
 pervenit noster, quo fortunatior, hoc minus ei invideri debet, formidolosi
 temporis calamitatibus erepto. Quippe desiderio ipsius consultum vo-
 luit Deus, & in aeternam beatorum societatem, quam unice, spretis mor-
 talium rebus, optabat, evocavit. Hoc evidentissimo cum voluntate di-
 vina consensu emigravit e vita, coniunctusque cum Deo coelestis gaudii
 usura recreatur. Quae felicissima filii conditio aliquam penes Te, No-
 bilissime Vir, consolandi doloris habebit facultatem, neque magis dolebis
 illam familiae amplissimae cladem, quam de Triumpho filii ex mundi
 miseriis nunc acto, pie gaudebis. Nec minus religione animi, qua Deo
 vivis, prudentia & consilio anteferes lugendi modum, quem aliqui diu-
 turnitas temporis sensim mitigare solet. Est Deus, qui Tuam fulciet
 fortunam & reprimendi luctus afferet medelam. Quem quoque Tui
 causa imploro, ut amplissimae familiae pariter ac Tuis in Patriam me-
 ritis faveat in posterum, superataque hac clade aequabiliore fortunae cur-
 su Vos uti sinat. Dab, Thorunii, ipsis Kalendis Septembribus, clolo ccXII.

—(O)—

inv. 413097

in fol. 3 art. 108.